

宋


史

記

藏

江蘇古籍出版社

增入名儒講義皇宋中興兩朝聖政 三



增入名儒講義皇宋中興兩朝聖政 三

江蘇古籍出版

提舉兼上羅價總名李破
刑提供折領官始橫劉

增入名儒講義 皇宋中興聖政卷之十三

高宗皇帝十三

紹興三年春正月丁巳朔 上在臨安 己未命諸
路憲臣兼提舉常平司公事用戶部尚書黃叔敖請
也 詔婺州年額上供羅並權折價錢 庚申李橫
破穎順軍降偽齊知軍事蘭和後二日敗偽齊兵於
長葛縣 甲子命戶部侍郎姚舜明往建康總領大
軍錢糧總領名官自此始 李橫復穎昌府城陷趙
弼巷戰不勝遂遁去 乙丑手詔曰廷尉天下之平
也曹劌謂小大之獄雖不能察必以情爲忠之屬也
可以一戰不其然乎可布告中外應爲吾士師者各

獄詔
官戒

務仁乎濟以哀矜天高聽卑福善禍淫莫遂爾情罰
及爾身置此座右永以爲訓臺屬憲臣常加檢察月
具所平反刑獄以聞三省歲終鈎考當議殿最

臣留正等曰人主有好生惡殺之心而治獄之吏
以慘酷害之斯民固有以小罪而陷深文者猶吾
內之於機穽也太上皇帝中興之功出於仁恕
四方盜賊雖毒流於天下而不能使民心解攜而
去蓋不忍人之政素有以結之也時方艱難旣已
救吾民於水火而兵革休息又恐其隕性命於酷
吏之手聖心亦已勞矣爲吏者安忍高下三尺而
傷中和之政乎 紹興初宰相欲以大理卿高誼

雨電
而雷
復大
火祭
轉運
司賣
歷日

知蘇州 太上皇帝曰大理人命所係獄官多慘
刻少恩誼儒者奏讞平恕勿令補外劉大中宣諭
江西而歸擢爲諫官已而曰大中江西興獄頗多
若置之諫官恐州郡觀望遂改除祕書少監聖慮
深遠顧如此

金人陷金州 辛未雨雹而雷 癸酉初復大火
之祭配以闕伯歲以辰戌月祀之用酒脯 己卯詔
太史局依舊頒降諸路轉運司歷日其賣到淨利錢
赴推貨務 壬午知桂州許中奉詔市戰馬得千四
百匹而弱不堪用 上命降中二官樞密院因請即
邕州置買馬司馬必四尺二寸以上每百匹爲一網

置邕州買馬司
減蠶鹽錢

令帥臣提舉收買選見任官管押自是歲得千匹雖
道斃者半然於治軍亦非小補 乙酉減民間蠶鹽
錢初 祖宗時賣民間蠶鹽 政和三年詔民間不
願請鹽者輸鹽錢十之六渡江後不復予鹽而差損
其直至是又申明之 二月丁亥朔陞桂州爲靜江
府以 上嘗領節度故也 工部尚書兼權吏部尚
書席益言魏晉而下甄別人物專任選曹至唐而銓
法密矣然不拘以微文激濁揚清時出度外故杜淹
表薦四十餘人後多知名韋思謙坐公事負殿高公
輔遽擢爲監察御史國初猶存舊制 乾德四年詔
曰自今常調集選人吏部南曹取歷任中多課績而

無關失其人材可擢者具名送中書引驗加獎則是
或尚任人而不專任法也其後官制釐改典選者一
切不得以意從事振拔幽滯無復聞焉望稽用 乾
德詔書凡常調中材行可取者許長貳具名以聞從
之 右諫議大夫徐俯進春秋解義至天王使宰渠
伯糾來聘用左氏說父在故名 上謂俯曰魯戚公
篡立天王當致討既四年不問乃使其宰往聘失政
刑矣故書名以貶之戊子俯乞編之記注 己丑言
者論軍中虛費四事一曰冗兵二曰虛券三曰廣作
名目以收使臣四曰招集游手以充效用大略謂或
有一軍不過三二千而使臣至五六百又效用之給

軍中
虛費
四事
賓州
置買
馬司

七
三

三

倍於上禁軍今乃以供雜役望詔統兵之臣與應副
錢糧官同心體國愛惜財用立定使臣負數選汰效
用詔樞密院申嚴行下 辛卯初置買馬司於賓州
仍命撥本路上供封樁內藏錢合二十七萬緡欽州
鹽二百萬斤爲買馬費 陝西都統制吳玠與敵遇
于真符縣之饒風關先是知興元府劉子羽聞金州
陷即遣統制官田晟守饒風關拒敵來路且馳檄召
玠時宣撫司未有行下玠曰事迫矣諸將不能辦我
當自行自河池一日夜馳三百里中道少止子羽移
書曰敵旦夕至饒風嶺下不守此是無蜀也公不前
子羽當往玠即復馳與敵遇玠軍纔千人益以洋川

欽黃吳
敵柑玠

田規頌
法營陳

義士萬三千人玠先以黃柑遺撒離曷曰大軍遠來
聊奉止渴今日決戰各忠所事撒離曷大驚以杖擊
地曰吳玠爾來何速耶時金房鎮撫使王彥自西鄉
以八字軍來會諸軍見援至稍弛玠怒欲斬壕寨將
而壕寨將走降敵人告以虛實且言統制官郭仲地
分雖險而兵寡弱易敗乃夜以輕兵襲取之仲果退
走敵既得山寨遂乘高下關饒風以精兵夾攻王師
之背王師盡却玠斬之不能止凡六日關陷癸巳
都司檢詳官秦下營田法於諸路行之悉以陳規條
畫為主凡授田五人為甲別給菜田五畝為廬舍稻
場初年免田租之半兵屯以使臣主之民屯以縣令

敵饒關
陷風

蠲放
先及下戶

敵興府
元入

主之悉以歲課多寡為殿最 丁酉饒風關陷吳玠
收餘兵趨西縣王彥收餘兵奔達州彥潰兵走通明
縣破之四川大震 己亥御筆臨安自兵火後民地
為官司軍營所占者其預買絹皆除之翌日輔臣言
上戶往往已免下戶不能自陳宜遵詔旨蠲放 上
曰文王發政施仁必先四者凡施當先及下彼豪強
雖立法抑之猶能侵細民不可不察也 是日撒離
曷入興元府經略使劉子羽焚其城而避初饒風關
陷子羽與吳玠謀守定軍山玠憚之遂西子羽亦退
屯三泉縣從兵不及三百與士卒同粗糲至取草木
芽藥食之遺玠書曰子羽誓死於此與公訣矣時玠

在興州之仙人關爲守備得書而泣其愛將楊政大呼軍門曰節使不可負劉待制不然政輩亦舍節使去玠乃從麾下由間道與子羽會于三泉敵游騎甚迫玠夜視子羽方酣寢傍無警呵者曰此何時而簡易乃爾子羽慨然曰吾死命也夫何言玠泣下復往守仙人關子羽約玠共屯三泉玠曰關外蜀之門戶不可輕棄敵人所以不敢輕入者恐玠議其後耳若相與俱下敵必隨入險反守徐取間道則吾勢日盛大事去矣今經略旣下玠當由興州河池遠出敵後褒斜山谷如行鼠穴敵見玠遠出其後謂將用奇設伏邀其歸路勢必狼顧吾然後據險邀擊可使遁去

劉子羽守潭山毒

孝宗賜名

用他物代羊肚

通判經錢總

此所謂善敗者不亡者也子羽以潭毒山形斗拔其上寬平有水乃築牆壘凡十六日而成其衆稍集既而統制官王俊又以五千人至於是軍勢復振庚子詔伯琮特除和州防禦使賜單名從王令學士院擬二十字進入上自擇瑗字以名之辛丑詔天章閣神御旦望節序帝后生忌應用羊肚者以他物代之上以每位當用一羊故有是旨且諭大臣曰祖宗以仁覆天下豈欲多殺物命壬寅宗室瑗爲貴州防禦使甲辰詔諸州經總錢並委通判拘收乙巳河南鎮撫司統制官李吉敗爲齊兵於伊陽丁未知成都府王似始受川陝宣撫處置副

惡二
張相

胡舜
撫陟
淮安

使之命先是宣撫處置使張浚見似除書上疏言都
統制吳玠參議軍事劉子羽有功於蜀不應一旦以
似如其上尚書左僕射呂頤浩與似連姻聞浚論似
非才不悅或告右僕射朱勝非以浚起義兵平江府
嘗有斬勝非之語勝非又毀之浚由是得罪時浚承
制以子羽爲宣撫判官與似同治事大事多與子羽
謀之似充位而已 虔賊周十隆犯循梅汀州 庚
戌廬壽鎮撫使胡舜陟改充淮西安撫使應本路鎮
撫司並受節制 辛亥工部尚書兼權吏部尚書席
益參知政事新除翰林學士徐俯簽書樞密院事故
事簽樞下執政一等至是特詔鈞禮又例外賜以金

王然
以推
鹽罷

令守
臣奏
利害
邊防
徐康
國獻
羨餘
罷買
和納
折

帶 壬子提舉浙東茶鹽公事王然罷仍貶秩一等
先是宣諭官朱異論然置明州三縣鹽場將沿海下
戶一例拘籍其間有不願結甲及雖結甲而不願貸
本錢至有憂畏而自縊者或持杖而逐保正者言者
亦論其擾民故有是命 甲寅詔自今守臣到任半
年先具民間利害或邊防五事來上因以察其材能
兩浙轉運副使徐康國罷仍貶秩二等先是康國
獻羨錢十萬緡 上不受宣諭官朱異左司諫唐煇
論康國辨糴民戶米麥踰年不償故有是命 三月
戊午詔兩浙諸州和買物帛聽以三分折納見緡
己未中書舍人趙思誠言州縣武臣添差甚衆一郡

論武
差臣添

趙鼎
宣撫
江西
李橫
傳檄
京

至有三四十人貪汙不法民受其弊望自今惟忠義
及有功勞於國之子孫朝廷特加優恤者許添差外
餘並禁止若以貧多闕少當自稍清入仕之門以息
官冗民貧之弊詔除宗室外令吏部開具申尚書省
淮西安撫使胡舜陟至廬州潰卒王全與其徒來
降前郡將王亨籍官逋之在民者亡慮數萬緡舜陟
盡蠲之亨又託名贍軍令市販輸金舜陟亟罷之流
民稍稍自歸舜陟發粟貸民俾濟農事會歲大穰所
收至倍公私皆給焉 甲子知建康趙鼎為江西安
撫大使兼知洪州 京西招撫使李橫傳檄諸軍收
復東京朝廷嘉之特遷右武大夫忠州觀察使 丙

呂習
射童

王鮪
坐贓
編管

王庭
秀乞
擢廉
吏

寅詔讀書習射童子求試者九人惟習射者令召見
餘賜帛罷之 上因謂大臣曰上有所好下必有甚
焉蓋繇昨嘗推恩一二童子故求試者雲集此雖善
事然可以知人主好惡不可不謹也 己巳潁昌捷
奏至詔李橫再進翊衛大夫 癸酉東流令王鮪坐
贓抵死除名編管新州自是贓吏罕復黥配矣 甲
戌尚書左司員外郎王庭秀言朝廷比來深疾貪吏
然州縣之間豈無廉介自將沈於下僚者望命五使
所至以廉潔清修可以師表吏民者具名來上參以
公議不次陞擢以厲士風從之 丁丑初惠州獄囚
黃四等七人有司以爲強盜當死推勘公事孟師尹

孟師尹反却彭老侯錢美彭却尹孟
韓世忠宣淮撫東雨始命監禁冢民級
首取發司命淮宣世忠宣淮撫東雨始命監禁冢民級

錄問駁正無罪及是上聞之特遷右宣教郎既而有司言師尹嘗平反死囚五人復命遷一秩知藤州侯彭老獻賣鹽羨錢十萬上批其奏付三省曰縱有寬剩自合歸之有司非守臣所當進納或恐妄有刻剥取媚朝廷特降一官以懲妄作所進物退還翌日徐俯又以爲言彭老遂罷壬午韓世忠充淮南東路宣撫使泗州置司朝廷聞李橫進師議遣大將以世忠忠勇故召見而遣之通判和州賈直清提舉淮西茶鹽公事兩淮舊爲分鎮地至是始命監司言者論軍屯所至發掘塚墓及借取平民首級之弊詔以付神武諸將癸未詔今後賊吏依祖